


三天鳳輦 九帝龍軒 寶播羽蓋 碧輿瓊軒  
 金鸞泛泛 靈鶴翩翩 玉童玉女 霞衣雲肩  
 五帝大魔 九真飛仙 龍裙虎服 雲冠飄緋  
 悉臨黃道 瑞炁流旋 清都列聖 紫府群仙  
 森羅萬象 俯降芳筵 步虛玉韻 空音瑤篇  
 九霄蕩蕩 八景乾乾 洪爐燒品彙 惠澤遍山川  
 與道合真

請聖三符



收黃道呪

寂寂無宗 條有條無 紫雲擁蓋 函返清都  
 升壇瑞炁 請捧黃敷 神具降格 福慶增餘  
 上天回駕 地府參與 諸天復位 五老啓途  
 稽首瞻仰 應和氣滿霄虛

及五

三十四

靈寶玉鑑卷之十三

正一天師清微弟子 洪百堅

道教學術資訊網站

靈寶玉鑑卷之十四

及六

壇儀法式門

夫建壇立幕列職分司崇德報功慎終追遠  
 實孝子仁人義夫節婦之盛意也是故法天  
 像地列斗環星八卦九宮十方三界玉京金  
 闕悉備于斯至如道德威儀進退禮樂運神  
 會道躡景飛玄陟降有嚴對越無怠實由法  
 性中運化出來則一一皆合其陽德陰功也  
 古之泰時與三壇同壇之義豈異此哉登斯  
 壇也要在心隔玄妙神契虛皇故得三界其  
 崇萬神朝禮洋洋在上不顯亦臨一念苟差  
 則千里懸隔矣是故靈寶大法自古而降  
 在人間秦漢以來至人乃出晉宋以後其道  
 遂行陸簡寂偁其風於前張清都繼其列于  
 後而杜廣成等次之師資授受代不乏人襲  
 派尋源厥有端緒倘誠敬之不失則感應之  
 自然此則今古攸違天人同福及其九朝竣  
 事告厥成功解壇散席傾光迴駕寂無遺響  
 大量玄玄所謂一切天人莫不受慶無量之  
 福生死蒙惠信斯言矣

舉輦仙儀壇陸章

皇人曰元始天尊演說靈寶玄妙超度法門  
會集群仙於虛皇天寶之臺諸天隊仗紛紜  
日月星辰璇璣玉衡鳥獸齊鳳丹舉綠輦播  
蓋霓旌並來朝尊夫行法之士開建壇陸亦  
遵上天之儀以度下世兆民者也


飛空霓旌



朝元朱幢



含虛散絲



珠妙寶翼



五明羽扇



仙境絳節




真境十絕靈幡



威儀符章

明蓋瓊輪之符


皇人曰夫登壇行事以代元始應化先造威  
儀以制萬天於壇之四圍分布星宿嶽瀆坤  
輿之數立諸門系各依大法不可輕慢



呪曰

玄元羽蓋 祖炁結疑 混沌之根 十轉回靈


丹舉綠輦之符



呪曰

絳寶命華 寶飾敷陳 輝精交映 舉輦風程


朱鳳之符



呪曰


朱鳳勝輦 辟穢振威 四靈振伏 飛舞華靡

玄龍之符




呪曰

五色玄龍 飛蹈太空 交聲連始 建禦奔衝  
九色之節符



呪曰

蕭何寶光 受化虛皇 純陽結梵 九色垂芒  
十絕靈幡符



呪曰

延靈符 寶光散施 曜暉奪日 萬聖矚依

九鳳齊唱符



呪曰

元炁散廓 雲霞彩光 結化九鳳 飛蹈九芒  
八鸞同鳴符



呪曰


七炁氤氳 旋繞崑崙 八鸞同鳴 歌無量音  
五色獅子符



呪曰

萬威搖伏 萬獸瞻依 獨布無畏 無礙慧通  
巨力普施 大布猗威 端拱居中 受道無為  
急急如律令


九光白鶴符



呪曰

道契玄光 光映十方 圓光頂負 羽鶴翔翔  
旋繞太虛 嘯詠呈祥


青龍侍衛符



呪曰


太上玄明 演法霽林 三界侍衛 八方威神  
使我自然 束縛魔靈 神光內發 與道合并  
青炁羅絡 變易龍形

朱雀陽精符



呪曰  
及六  
六


仙道自吉 高上清靈 明炁四齋 結命朱陵  
日陽聚炁 赫赫玄精 朱雀擁護 至道長存  
白虎衛守符



呪曰

七元齊應 大律合英 大法玄象 結炁聚形  
五帝及觀 圭鑿元純 白虎鎮守 壇殿華靈  
急急如律令

玄武後擁符



空中萬變 玄炁蟠峨 威伏萬天 受命大阿  
玄玄豁落 合形龜蛇

祝呪曰

虛皇勅命 總制四靈 坎升離降 木液金精  
靈花自然 陰陽混凝 森列有象 與符合并  
急急如律令

右符版象鎮於四方或以紙書焚之

壇燈章

壇外然燈總十有六合一百五十九燈太歲  
燈隨年建本命行年大小墓燈隨齋主生屬  
安之本行年燈隨十二支符十方九宮二  
十八宿五嶽燈並於逐方然之七祖九幽燈  
本法然於中庭恐妨行事可於西南然七祖  
燈於鬼戶然九幽燈壇圖又有六甲十直諸  
燈無所經按金錄簡文亦無禮祝之法今故  
刪去壇席狹處不可鋪燈可於別處安之依  
儀禮呪此廣成先生之意也

道戶燈二

本命燈三 隨生年

行年燈七

太歲燈一 隨本年

大墓燈三

小墓燈五

七祖燈七

八卦燈八

九幽燈九

夾門燈二

二十四炁燈二十四

九宮燈九


十方燈十


二十八宿燈二十八

三十六燈三十六



五嶽燈五

四圍星宿分布圖





總星壇圖式



壇前東三幕

- 第一幕 虛皇教主玄中大法師
  - 第二幕 三天扶教輔元大法師
  - 第三幕 經籍度三師具君列三位
- 壇前西三幕
- 第一幕 五方五老五炁天君列五位
  - 第二幕 三元三官大帝列三位
  - 第三幕 監齋大法師

外壇用長幕八枚門榜八相簾十六副一  
 幕上安一榜此乃十方之炁故不用雙幕  
 成門止於離上開一門餘皆欄斷

八門之炁

- 正東卯地震宮洞青之炁
- 東南巽上巽宮梵行之炁
- 正南午地離宮洞陽之炁
- 西南坤上坤宮梵陽之炁

正西酉地兌宮少陰之炁  
 兩北乾上乾宮梵通之炁  
 正北子地坎宮洞陰之炁  
 東北艮上艮宮梵元之炁

中壇用長幕八枚門榜四枚乃二幕中安  
 一榜為門也短幕二十枚相簾二十副古  
 法定例於巽戶開一門往來  
 亥上天門 巳上地戶 申上月門  
 寅上日門 酉榜只開地戶往來

內壇用長幕一十八枚門榜十枚亦二幕  
 中安一榜為門短幕一十枚相簾一十副  
 內壇古法只留天門出入

十方門榜

- 東方卯地青華元陽之門
- 東南辰地始陽生炁之門
- 下方巳地九靈真皇之門
- 南方午地洞陽太光之門
- 西南申地元皇高晨之門
- 西方酉地通陰金闕之門
- 西北戌地九仙梵行之門

上方亥地大羅飛梵之門  
 北方子地陰生廣靈之門  
 東北寅地靈通禁上之門

右十榜當用長纂二十枚今用十八者以  
 兩角有門每二門共一柱故用長纂十八  
 也

皇壇制度

右壇或壘以寶碑或砌以文石或竹木暫結  
 或築土為之務合規程以崇朝奉之禮或露  
 於三光之下以達至誠或以天寶之臺取法  
 上境建齋行道先於中列太上三尊之位如  
 朝玉京山也壇之三級其法通用纂六十四  
 枚長者三十四枚各長一丈二尺短纂三十  
 枚各長一丈各纂頭作蓮蕊之狀門榜二十  
 二枚七黑五黃三白三青四赤用五色裝之  
 依前數分布三層壇纂上仍雕木為額畫飛  
 仙雲氣之形務取精巧壇三層之外邊各安  
 欄楯植立長短纂三重用青繩絳繩各五百  
 尺廣之護淨隔凡舊儀中壇廣三丈二尺內  
 壇廣二丈四尺外壇又居中壇之外今之修

建當隨地闊狹為之列纂長者則可定如短  
 纂則隨壇之大小施之

外壇門榜式

洞青之炁符上紫中洞青之  
榜黃榜青書



東方九炁青靈始老青帝消魔真文

洞耀育元晶 青華開太明 布育九天炁


始生存無英 扶陽通攝御 丹林合總真

積霄始輝上 鬱壘明霞晨 靈光煥羅絡

衛育保形魂 焜合化玄景 仁惠消魔群

萬遍道已超 功當書上清

梵行之炁符上紫中梵行之  
榜黑榜黃書



東南方梵炁消魔真文

至道趣蘭闕 縹緲虛上生 絕峰大渺觀  
 光暉明玉清 精勤感太無 誰測形與容  
 待劫未終且 倏忽召萬靈 冥運自有會  
 安知天地傾 靈風鼓妙化 策景步北元  
 流雲隨我回 飛蓋蔭綠軒

洞陽之炁符上紫中洞陽之  
榜白榜朱書



南方三炁丹靈真老赤帝消魔真文

三炁蕩靈闕 明虛煥玉丹 朱陵有帝真


華雲飛絳軒 統御萬靈中 撫運超億千

執策按簡錄 洞章敷神篇 解結散禍根

流金摧兇姦 志能成此道 魔試俱無前


保度冥劫津 冥眇無窮年

梵陽之炁符上坤宮梵陽之  
榜黑榜黃書




西南方梵炁消魔真文

高登四明關 華瑤秀金門 神輝洞蘭峰  
 景煥已紛紜 結朗始生炁 八會恤幽源  
 高高玄漢初 太陽協朝晨 靈化四蓋庭  
 眇暢法亦全 運理自然道 鬱若高上天  
 人門轉地軸 壓伏妖魔群  
 少陰之炁符 上炁官少陰之榜青榜白書




西方七炁皓靈皇老白帝消魔真文

西靈徊七度 大眇鬱明華 白元維我神  
 具皇御景霞 皎皎三素暉 昭昭破百邪  
 攝音延至炁 又\* 金晶育三田 十 鍊胎固玉質  
 寶耀映瓊鮮 魔精當滅試 建地無沉連  
 逸鬱高濟館 齊輪太上仙  
 梵通之炁符 上炁官梵通之榜黑榜黃書




西北方梵炁消魔真文

仙道樂兮生 鬼道樂兮凶 但聞貴生道  
 不聞死道隆 瑤歌三天炁 貴生元正章  
 神惠命朱兵 五帝符寒鄉 仗楮攝萬魔  
 瓊文檢北鄴 體解自然道 妖滅非爾功  
 汎景鼓長扇 合虛慶霄峯  
 洞陰之炁符 上炁官洞陰之榜赤榜黑書




北方五炁五靈玄老黑帝消魔真文

北玄三秀鶴 又\* 太上紫皇君 十 總炁攝幽機  
 造化敷靈網 下統虛危精 保育天元房  
 靈通大妙神 纏羅衛百關 豁落滅魔試  
 凶災永不干 大道保自然 壽命無虧殘  
 萬劫享慶會 白日登雲輪



東北方梵炁消魔真文


偶景策飛蓋 迎轡浮八清 整控啓丹衢  
 流眇宴雲管 協晨飄津波 竊趾多寒庭  
 就輪曜玉質 羽衣翠紫鞞 超清六嶺壺  
 紛紅落鳳城 提携神霄王 高遊太上京  
 仰彼三素秀 長烟灑八溟  
 日門符 上日門榜青榜黃書黃文



日官明輝太陽煉魂制魔寶章

和陽煥明炁 炎輝豁太虛 十輪回天關  
 八景朝紫微 察制妖魔群 邪試莫敢干  
 超度五苦難 太和升福堂

月門符 上月門符白  
抄黃書中文




月宮靈華太陰制魔寶章 十六

蒼霞浮綠葦 稱慶拱天尊 天統攝八難  
開濟九幽魂 雲河擁玄皓 育生天神君  
蘭宮貫陰房 天機豈易明

中便門榜篆式


天門符 上天門榜黑  
抄黃書中文



靈寶金書大有天門玉章

太極建青齋 神暉布發生 奕暉映空觀  
熙亮布玉嬰 皇育旋景與 升度七祖魂  
彌梵流飛網 周推天地根 祥霞翳青劫  
紫館真人君 軒爽清九府 誠試推邪光


地戶符 上地戶榜赤  
抄黃書已大



高上大有雷文伏魔隱文 十七

靈寶貫黃雲 雷威鎮此門 妖惡至自屏  
魔試來消平 靄鬱祥光發 瑤壇集帝真  
人門符 上人門榜  
青榜書

鬼戶符 上鬼戶榜  
黃榜黑書



內壇門榜篆式


青華元陽之門符 上青華元陽之  
榜青榜赤書



元梵丹靈妙華九炁天文

九炁洞耀 三元流晶 丹光煥映 照鬱南燠  
炎陽上徹 赤霞氤氳 神結紫房 上升玉庭  
急急如律令


始陽生炁之門符 上始陽生炁之  
榜黃榜白書



呪曰

天地朗清 幽虛啟真 流雲徘徊 金華四霽  
丹皇散敷 靈飛紫輶 是夕開陳 青金授仙

九靈皇真之門符 上九靈皇真之  
榜赤榜黃書






元梵素靈皓華天文

玄一天根 金華皓英 景虛合德 素靈合真  
南制九光 北攝水精 東開三道 西鑿七門  
急急如律令

洞陽太光之門符 上洞陽木上光之  
榜赤榜黃



元梵青靈玉華三炁天文

青元流映 光照八門 中有帝子 號曰玉靈  
煉魂化魄 秀綺紫英 空常九道 萬神齊并  
元皇高晨之門符 上元皇高晨之  
榜黃榜白

五六




十九

元梵靈妙寶華天文

寶華靈妙 二炁交并 含弘光大 中有至靈


北鄧削籍 南上生名 光振九府 禮乾順承  
急急如律令

通陰金闕之門符 上通陰金闕之  
榜白榜黑



元梵玉虛素華七炁天文

飛光七變 皓日分晶 金暉吐鍊 召陽攝陰  
藏天隱月 衣裊素靈 下降肺腑 生我神君  
九仙梵行之門符 上九仙梵行之  
榜黃榜白



元梵高靈天文


天元徘徊 流景上清 大有啟運 八字高明  
飛天虛空 洞陽自生 真炁綿綿 即化為仙  
急急如律令

大羅飛梵之門符 上大羅飛梵之  
榜黑榜青



元梵太靈真華天文

元青九天 洞景八靈 晨華徘徊 變景化形  
手執隱書 足躡丹雲 沈精辯勃 保鎮天文  
陰生廣靈之門符 上陰生廣靈之  
榜黑榜青




元梵上虛景華五炁天文

中皇五炁 總統八靈 神精鍊魄 安鎮朱陵  
執符把節 藏景飛形 回變景道 遊宴玉京  
急急如律令

靈通禁上之門符 上靈通禁上之  
榜青榜白





大梵元靈紫華天文

流精天谷 一炁初分 紫華煥景 元梵流形 灌我靈府 育我玄根 內充外溢 骨肉飛升

齋壇鎮信

科曰質信効心以財為首財既可捨心亦隨之聖道冥通隨心意高天厚土玄聖上真非信不通非心不感感通之至在乎信焉

金龍一十三枚每重一兩長三寸六分以十枚鎮十方紫餘十枚隨筒投

科曰天子皇后用上金公卿用次金庶人用銀或銅塗以金夫龍上天之驛騎也傳達感通龍騎為先負簡即騰信三官效誓則告盟十極鎮信之法以龍為首缺者考屬陰官曹

鎮絲十方十股今信一

東方青九南方綠三西方白七北方黑五上方碧三十二下方黃三十二四維黃各一十二總十方之數共百三十六天子死數諸侯大數庶人尺數紋繪天子諸侯紫色士庶以本命納音色內命信尺丈尺數各隨年外加

一以表延生之信絲置之中央案上

科曰紋繪五色者顯五行之色象十方之炁降十天致五帝通真效信請命祈靈不可缺也缺者考屬天官玄都曹

鎮十方紙筆墨硯十

科曰建齋行道或救拔億會萬祖先後亡靈或請福祈恩消災謝過則四司五帝三界十方紀錄善功校定罪名當以紙筆墨硯為錄功紀善之籍質信於十方不可缺也缺則十天不錄其功九幽三官不除其考缺者考屬三官曹

鎮十方香華十

科曰香者以通感為質隔氣去穢花者以鮮潔為美表裏效珍請福祈真花香為本花可用五綵剪成以鎮十方不可缺也缺者考屬陽官曹

鎮米二斛四斛

科曰米以質信天官增加品祿缺者考屬天官曹

鎮油二斛四升

科曰油者陰類也陰中生陽以油鎮之陰續陽景缺者考屬陰官曹

鎮炭百二十斤

科曰炭者陽類也陽中生陰以炭鎮陽官資陰炁缺者考屬陽官曹

鎮錢二萬四千

科曰金錢二萬四千以代上金之信質心三界告盟十天缺者考屬玄都曹

槿木簡三西各長一尺二分開二十四分厚二分

科曰簡者記也告也記世之功告盟上真上下正方天子以玉為之玉有九德禮天地之信也今用簡丹界五行丹書國號年月建齋所為法師姓名各投於名山大洞靈泉龍穴及齋壇之中告天地水三官使證明齋功奏于上境人臣用槿木代玉缺者考屬地官九

九都曹

玉璧一十三枚內三枚三簡用十枚鎮十方各徑二十四分厚二分圖形虛共中

靈寶玉鑑卷之十四